

MAI SIMU VASINA COVID-19! VASINA NE'E SEGURU



MAI SIMU VASINA COVID-19
IHA FASILIDADE SAÚDE NE'EBÉ BE



World Health Organization
Timor-Leste



for every child



Australian Government
Department of Foreign Affairs and Trade



HA'U SIMU ONA VASINA
QINSÁ HO ITA?

Levantamentu COVID-19 iha Timor-Leste

Apoia husi



Implementa husi



Publika husi






Levantamentu COVID-19 iha Timor-Leste

Rezultadu sira Maiu 2021


Fixa informativa ne'e prezenta rezultadu sira husi **levantamentu telefóniku** husi **adultu Timoroan** 404 ne'ebé hala'o husi **1 to'o 8 Maiu 2021**. Durante semana levantamentu ne'e nian, iha kazu ativu COVID-19 1,315 iha Timor-Leste, no Estadu Emerjénsia renova tan ona ba dala 14. Serka sanitária hala'o iha munisípiu 13, inklui Dili. Alokasaun orsamentu ba Fundu COVID-19 mós aumenta husi millaun USD 31 ba millaun USD 287.6. Rezultadu sira husi fulan **Maiu** ne'e kompara ho rezultadu sira antes wainhira posivel.

COVID nafatin sai dezafiu boot liu iha nivel hotu-hotu




Ba Timor-Leste:

	Mai '20	Jull '20	Set '20	Dez '20	Fev '21	Mai '21	
 COVID-19	62%	53%	72%	61%	87%	87%	
 Ekonomia	10%	18%	8%	17%	6%	6%	
 Política	18%	19%	10%	11%	4%	5%	


Timor Leste aumenta sente katak la'o hela iha diresaun la lóos, ne'e monu ba dahuluk liu dezde levantamentu hahuu






Ba ita-boot nia komunidade:

	Mai '20	Jull '20	Set '20	Dez '20	Fev '21	Mai '21	
 COVID-19	76%	70%	64%	70%	85%	85%	
 Ekonomia	64%	72%	62%	68%	75%	61%	
 Falta empregu/rendimentu	12%	21%	29%	33%	17%	42%	

Maioria sei hanoin katak governu halo servisu di'ak, maibe ne'e tun ona dezde Dez '20




Ba Ita-boot nu'udar individu ida:

	Mai '20	Jull '20	Set '20	Dez '20	Fev '21	Mai '21	
 COVID-19	80%	75%	79%	81%	90%	92%	
 Ekonomia	63%	74%	62%	69%	77%	66%	
 Política	49%	59%	50%	51%	63%	37%	

34% Fiar ba governu atu tau-matan ba sira durante COVID-19, númeru ne'ebe kiik liu durante ne'e




Maiu '20: 49% Jullu: 64% Set: 83% Dez: 59% Fev '21: 54%

Sentimentu kona-ba governu atuál nia reasaun:



Hahalok seguru COVID aumenta uitoan

(% husi hahalok ne'ebé pratika ona)

 66% Máskara	Fev '21: 58%	Dez: 55%	Set: 70%
 61% Fase liman	Fev '21: 57%	Dez: 52%	Set: 67%
 48% Mantén distansiamentu 1.5m	Fev '21: 46%	Dez: 51%	Set: 60%

Durante tempu ida ne'e, saida mak governu halo liu tan atu tulun sidadaun sira? Topu 3

1. Hapara serka sanitária – **47%**
2. Hapara estadu emerjénsia – **44%**
3. Hapara konfinamentu obrigatóriu – **33%**

Iha loron 30 liu ba,




74% la han tempu ruma tamba la iha osan natón ba hahán


Maiu '20: 76% Jullu: 70% Set: 53% Dez: 60% Fev '21: 62%



Maioria respondente sira hatene kona-ba vasina COVID-19, maibé iha tendénsia uitoan atu hatene bainhira mak disponivel ba sira pesoalmente




Sentimentu kona-ba simu vasina COVID nian



Persepsaun kona-ba seguransa vasina COVID-19

- 37%** Hein katak vasina ne'e sei seguru atu simu
- 41%** Hein katak vasina sei prova seguru ba tempu naruk


Aprovasaun ba Timor-Leste nia planu vasinasaun (Fevereiro Aprova 72%)



Maioria respondente sira nia uma la afetadu ka afetadu uitoan de'it husi siklon no bee-sa'e foin lalais



Seguransa: Dezde Marsu 2020, oinsá seguransa no protesausn iha ona mudansa iha ita-boot nia comunidade lokal?



Ameasa komún barak liu dezde Marsu 2020: Topu 3

1. COVID-19 – **91%**
Dez: 70% Fev '21: 77%
2. Grupu artes marsiais – **4%**
Dez: 9% Fev '21: 11%
3. Problema rai – **3%**
Dez: 6% Fev '21: 6%

Seguransa: **63%** konfliktu ne'ebé relata ona iha sira nia área

Kazu barak liu husi konfliktu iha ita-boot nia área: **Topu 3**

1. Abandonu – **15%**
2. Na'ok ema nia rikusoin – **11%**
3. Asaltu fíziku rezulta kanek – **9%**

Ami hakarak agradese ba respondente 404 (feto 144 no mane 260) ba sira nia tempu no entrevistador 11 iha Dili ne'ebé hala'o levantamentu Maiu 2021 ne'e.

Apoi u husi



Impelementa husi



Publika husi



Antesedénsia

Peskija ne'e kona-ba saida?

COVID-19, ka pandemia globál virus corona, ezije ona reasaun boot husi governu sira iha mundu tomak. Timor-Leste iha rasik nia rekizitu úniku sira wainhira responde ba akontesimentu ho magnitude ida ne'e.

Peskija ida ne'e hakarak atu komprende:

- Preokupasaun sira husi povu Timor-Leste nian
- Dí'ak oinsá povu adopta medida prevensaun sira no kuidadu sira nia saúde
- Nivel konfiansa/fiar ba governu
- Utilizasaun, satisfasaun ba, governu nia programa sira
- Impaktu sosiál no ekonómika sira husi pandemia COVID-19
- Oinsá knaar umakain sira fahe ba malu durante pandemia
- Reziliénsia individu sira no sira nia comunidade, no
- Fonte notísia no informasaun ne'ebé povu Timor-Leste depende ba no kontinua hetan informasaun kona-ba pandemia.

Timor-Leste nia kontestu

Iha tempu levantamentu iha Feveireiru/Marsu 2021 (Ronda V) Timor-Leste hasoru transmisaun komunitária ne'ebé limitadu COVID-19 ba dala uluk. Wainhira tempu Ronda VI nian ne'ebé hala'o entre 1-8 Maiu 2021 buat ne'ebé konsideravelmente sai aat liu husi transmisaun komunitária ne'ebé aumenta no número kazu ne'ebé aumenta. Governu Timor-Leste (GoTL) impoen medida oiain inklui konfinamentu obrigatóriu (*lockdown*) no serka sanitária, komesa iha 9 Marsu iha Dili, no ida ne'e mós aplika iha tempu barak ba munisípiu sira.

Maibé, jestaun ba número kazu COVID-19 ne'ebé aumenta ona iha Timor-Leste konsideravelmente komplikadu tamba udan boot husi 28 Marsu-4 Abril akompaña ho Siklon Trópiku Seroja: hodi rezulta bee-sa'e aat liu dezde tinan 40 nia laran. 44 mak mate, 33,835 umakain afetadu, no total 2,163 he área agrikultura mak afetadu maka'as. Maski munisípiu hotu-hotu hasoru bee-sa'e, 82% husi ema afetadu sira mak iha Dili.¹

Iha tempu entrevista Ronda VI ema 3,125 sei dezlokadu iha sentru evakuasaun 17 iha munisípiu Dili nia laran; maski husi 19 Maiu ida ne'e tun ona ba ema 1,743 iha sentru 13, ka 11% husi número total ema durante loron ne'ebé difisil liu (8 Abril). Maioria husi dezlokadu temporáriu sira fila ona ba uma, no Governu no parseiru umanitariu sira apoia sira nia seguransa atu fila ba sira nia comunidade.²

Iha tempu levantamentu ne'e (6 Maiu) iha kazu ativu 1,315 husi COVID-19 iha Timor-Leste. Husi 7 Juñu ida ne'e aumenta ba kazu ativu 2,232, inklui ba dezlokadu temporáriu sira; no ema 17 mak mate ona. Atualizasaun bele hetan iha <https://covid19.gov.tl/en/dashboard/>

Estadu emerjénsia (#11- #14) renova tutuir malu iha 4 Marsu, 3 Abril, 3 Maiu no 2 Juñu. Enkuantu konfinamentu obrigatóriu iha Dili suspende temporariamente tamba bee-sa'e no deklara fali iha 30 Abril. Iha tempu levantamentu ida ne'e serka sanitária aplika ba munisípiu sia husi munisípiu 13, inklui Dili, maski iada ne'e kontinua aplika tuir tempu.

Husi 31 Maiu Timor-Leste simu ona doze 60,000 vasina AstraZeneca husi Austrália no doze 24,000 husi mekanizmu COVAX. Timor-Leste hahú vasinasaun COVID-19 iha 7 Abril; no iha 31 Maiu total ema 76,582 mak simu ona sira nia vasina doze dahuluk, korresponde ba 10% husi populasaun ho otas liu husi tinan 18. Iha

1 UNICEF Timor-Leste Humanitarian Situation Report No. 5 (Flood): 21 Maiu 2021

2 UN Resident and Humanitarian Coordinator for Timor-Leste, Timor-Leste Floods - Situation Report No. 9 (As of 21 May 2021); UN Resident and Humanitarian Coordinator for Timor-Leste, Timor-Leste Floods - Situation Report No. 8 (As of 6 May 2021)

períodu hanesan iha munisípiu Dili, ema 64,005 mak vasinadu ona, korresponde ba 30% husi populasaun ba otas tinan liu husi 18 iha kapitál ne'e.³

Iha 23 Abríl, Parlamentu Nasionál aprova alterasaun ba Orsamentu Jerál Estadu 2021 atu responde ba impaktu husi COVID-19 no bee-sa'e, ne'ebé Presidente tuir mai promulga iha 4 Maiu. Alokasaun ba Fundu COVID-19 aumenta husi millaun USD 31 ba millaun USD 287.6, enkuantu alokasaun Fundu Kontinjéncia aumenta husi millaun USD 23.8 ba millaun USD 65.2. Mudansa hirak ne'e sei posibilita GoTL atu aloka millaun USD \$34.5 ba kompra vasina COVID-19 suficiente atu imuniza populasaun tomak, kompra materiál protetiva pesoál no ekipamentu no materiál ba ezaminasaun no tratamentu ba pasiente COVID-19 ne'ebé baixa, konstrusaun no aluga sala izolamentu no kuarantena no melloramenta fatin izolamentu iha territóriu laran tomak. Ne'e mós sei fasilita GoTL atu financia medida sócio-ekonómika sira inklui apoiu empregu, subsidiu kréditu, kustu rejistu ba estudante nivel edukasaun aas liu, subsidiáriu ba internet ba estudante nivel aas liu, kompra produktu ai-han husi produtór lokál sira, subsidiáriu ba eletrisidade, financia servisu Sentru Integradu Jestaun Krize, suplementu salariál ba pesoál liña frente sira no estensaun programa Sesta Bázika.⁴

Iha 1 Juñu GoTL, hamutuk ho parseiru umanitáriu sira, lansa Apelu Konjuntu atu responde ba nesesidade umanitáriu reziduál sira ba ema afetadu vulneravel sira no tulun ho esforsu rekuperasaun-sedu iha Timor-Leste.⁵

Peskija ida ne'e hala'o ba sé?

Fundasaun Ázia servisu ona ho povu Timor-Leste durante besik tinan 30 kona-ba asuntu sira hanesan empregu, direitu fetu sira, no Polisiamentu komunitáriu, no komisiona peskija ida ne'e. Rezultadu sira sei uza ba advokasia ho Governu Timor-Leste no doador sira relasiona ho COVID-19. Peskija ida ne'e hetan apoiu husi Governu Australianu liuhusi Departamentu Negósiu Estranjeiru no Komérsiu (DFAT).

Oinsá mak hala'o peskija ida ne'e?

Entre 1 no 8 Maiu 2021, sentru xamada baze iha no Dili ida hala'o entrevista 404 ho adultu Timor-Leste (Mane 260 no Feto 144)⁶, lista amostra ida kona-ba respondente antes sira ba Fundasaun Ázia nia levantamentu Tatoli no Polisiamentu Komunitáriu. Ida ne'e buka-tuir husi levantamentu kuaze-idéntiku sira ne'ebé hala'o iha Fevereiru 2021 no Maiu, Jullu, Setembru no Dezembru 2020, ne'ebé sei uza atu kompara mudansa tuir tempu. ORIMA Research (Australia) servisu hamutuk ho Fundasaun Ázia kona-ba kestionáriu no metodolojia halibur dados, pasa revista ba kualidade dados, no halo análise no relatóriu. Detalle liu disponivel iha seksaun metodolojia iha relatóriu ida ne'e. Rezultadu kompletu sira mós disponivel iha plataforma Vizualizasaun Q2i (*Q2i Visualization platform*): surveys.asiafoundation.org/Dashboard?SurveyCode=TLCV

Ba futuru


Peskija ida ne'e hein atu akontese iha interval fulan-2 to'o Juñu 2021 atu haree mudansa sira ba comunidade tuir tempu. Relatóriu no plataforma vizualizasaun Q2i ida ne'e sei atualizadu tuir mai atu reflète dados ida ne'e.

³ Konsellu Ministrus, Konferénsia Imprensa: Enkontru Estraordináriu Konsellu Ministrus 31 Maiu, 2021

⁴ President of the Republic promulgates State Budget Amending, 4 May 2021. <http://timor-leste.gov.tl/?p=27960&lang=en&n=>

⁵ GoTL and UN Resident and Humanitarian Coordinator for Timor-Leste, Press Release: Government of Timor-Leste and partners appeal for US\$32 million to assist flood victims and early recovery, 1 June 2021.

⁶ Dadu sira ne'e dezagreagdu tiha tuir jéneru durante iha análise, no kualker diferensa ne'ebé iha mensiona hotu iha relatóriu ne'e.



Rezultadu sira


Preokupasaun boot liu

Iha Maiu 2021, kuaze metade (48%) husi respondente sira sente katak Timor-Leste la'ó hela iha diresaun loos, rezultadu ki'ik liu dezde Maiu 2020 no primeira vez númeru ne'e tun ona.


Persepsaun katak Timor-Leste la'ó hela iha diresaun loos ne'e aas liu ba sira ne'ebé hela iha Dili (68%, kompara ho 41% fora husi).

Hanesan mós iha Febreiru 2021, hirak ho otas 17-24 mak menus pozitivu (36%), tuir fali husi hirak ho otas 45 ka liu (46%).

Jeralmente, Timor-Leste la'ó hela iha...



Dezafiu boot liu ne'ebé Timor-Leste hasoru daudaun:



COVID-19 (inklui nia impaktu sira ba saúde) nafatin sai dezafiu persebida boot liu ne'ebé Timor-Leste hasoru daudaun (87%), hanesan iha ronda peskija sira antes.

Proporsaun hanesan husi grupu demográfiku sira ne'ebé konsidera COVID-19 nu'udar dezafiu boot liu ne'ebé Timor-Leste hasoru.


So minoria husi respondente sira mak konsidera ekonomia fraku (6%) ka problema polítika (5%) nu'udar dezafiu boot liu.

Iha Maiu 2021, COVID-19 mós nafatin sai preokupasaun komún boot liu ne'ebé relata husi individu sira (92%) no komunidade (85%). Figura hirak ne'e aliña ho Feveiru 2021, no aas liu fali ronda sira antes husi levantamentu ne'e.

Ekonomia fraku mak preokupasaun boot liu segundu ba individu sira (66%) no komunidade (61%), maibé ba estensaun uitoan liu duké iha Feveiru (77% no 75%, idaidak). Maibé, preokupasaun kona-ba la iha servisu/rendimentu ba individu sira (34%, sa'e husi 18% iha Feveiru 2021) no komunidade (42%, sa'e husi 17%).

Preokupasaun kona-ba COVID-19 (91%), ekonomia fraku (73%) no la iha servisu/rendimentu (48%) ba komunidade ne'e aas liu ba hirak ne'ebé hela iha Dili, kompara ho hirak ne'ebé la hela iha Dili.

Problema boot liu 3 nu'udar individu no iha Ita-boot nia komunidade (Razaun oiain, problema komún boot liu lima mak iha kraik ne'e)



Husu mós ba respondente sira kona-ba oinsá ho sira nia preokupasaun ba aspetu moris oiain. Kuaze 50-60% husi respondente sira mak preokupadu 'tebtebes' ho kada ida husi aspetu sira ne'ebé koko ba sira. Respondente sira preokupadu liu ho aspetu sira relasiona ho sira nia protesausun no relata presokupasaun ba hirak ne'e kompara ho ronda levantamentu sira antes ne'e. Liuliu, respondente sira preokupadu liu ba sira nia nivel protesausun pesoál (61% 'preokupadu tebtebes', sa'e husi 41% iha Feveiru 2021) no risku ba sira nia saúde pesoál husi COVID-19 (60%, sa'e husi 42%).


Preokupasaun finanseiru mós aas liu duké iha Feveiru, maibé tun liu uitoan iha Dezemburu 2020. Kontraste ho ronda sira antes, nivel preokupasaun iha aspetu hotu-hotu jeralmente aas liu ba iha hirak ne'ebé hela fora husi Dili.

Medida prevensaun sira no hahalok kuidadu saúde

Proporsaan husi respondente sira ne'ebé relata hahalok 'barak lóos' prevensaun COVID-19 tuir mai iha semana ida liu ba aumenta tan hafoin tun uitoan dezde levantamentu dahuluk iha Maiu 2020 to'o Dezembru 2020. Iha Maiu 2021, kuaze respondente nen-entre-sanulu mak 'barak lóos' uza máskara (66%) no fase sira nia liman hanorin halo kontaktu (61%), enkuantu metade mantén distánsia metru 1.5 husi ema seluk (48%).

Hirak ne'ebé hela iha Dili mak iha liu tendénsia atu uza máskara 'barak lóos' (74%, kompara ho 64% husi hirak ne'ebé la hela iha Dili), maibé menus tendénsia atu mantén distánsia pelumenus metru 1.5 husi ema seluk (35%, kompara ho 52%).

Hahalok seguru COVID-19 (aplika barak loos) iha semana ida liu ba



Iha períodu hanesan, 54% dehan sira 'barak lóos' la partisipa iha sorumutu sosiál sira, 55% evita fatin públiku sira, no 57% servisu husi uma.

Se Ita-boot iha sintoma, ita-boot sei:

Maiu 2020	Jullu 2020	Set 2020	Dez 2020	Fev 2021	Maiu 2021	
94%	95%	99%	98%	97%	93%	Ba ospital ka sentru saúde
92%	79%	79%	88%	97%	92%	Dehan ba ema ne'ebé besik hau
85%	79%	77%	86%	87%	86%	Hela iha uma
-	-	63%	89%	85%	87%	Hemu aimoruk timor
-	-	80%	85%	88%	86%	Halo hanesan baibain

Hanesan iha ronda levantamentu sira antes, kuaze respondente sia-entre-sanulu (93%) mak relata sei ba ospital ka sentru saúde no informa ba ema ne'ebé besik ba sira (92%) se sira iha sintoma moras nian.


Atu hanesan ho ronda sira antes, Respondente barak liu mak relata sira sei hemu aimoruk tradisionál (87%) no hela iha uma (86%).

Respondente barak liu (86%) mós relata katak sira sei halo hanesan baibain se sira iha sintoma, aliña ho Fevereiro 2021 (88%) no Dezembru 2020 (85%), maibé aas liu uitoan duké iha Setembru 2020 (80%). Hirak ne'ebé hela fora husi Dili (93%) mak iha liu tendénsia atu halo hanesan baibain kompara ho hirak ne'ebé hela iha Dili (66%).


Fiar governu

Fiar ba governu Timor-Leste atu tau matan ba nia sidadaun sira durante COVID-19 tun ona dezde Setembru 2020, dokumenta taxa ki'ik liu iha ronda levantamentu tomak iha Maiu 2021 (34%). La fiar ba governu mós dokumenta aas liu iha Maiu 2021 (55%).

Hanesan iha Feveireiru 2021, respondente otas ki'ik liu/joven liu 17-24 (26%) relata fiar uitoan liu ba governu (26%) no *la fiar* mak aas liu (62%), tuir fali ba sira ho otas 45 ka liu (31% fiar no 58% la fiar).



Oinsá ita-boot nia hanoin kona-ba reasaun atuál husi governu ba COVID-19?



Persepsaun sira kona-ba governu nia reasaun atuál ba surtu COVID-19 hanesan ho ronda sira antes, maski iha nivel ki'ik liu husi fiar enjerál ba governu atu tau matan ba sidadaun sira.

Kompara ho Feveireiru 2021, sa'e uitoan mak hanoin katak reasaun ne'e la sufisiente (20% kompara ho 11%).

Ba dala uluk, respondente joven liu otas 17-24 mak iha liu tendénsia atu konsidera governu nia reasaun ne'e apropiada (60%, kompara ho 51-54% ba grupu otas boot liu).


Iha 9 Marsu governu implementa serka sanitária iha Dili; no dezde ne'e implementa mós iha munisípiu sia nu'udar dalan ida atu resonde ba COVID-19. Maioria (67%) husi respondente sira indika sira 'konkorda tebtebes' ka 'maizoumenus konkorda' ho responde ida ne'e. hirak ne'ebé hela iha Dili (78%) no respondente ho otas entre 25 ho 44 (72%) mak iha liu tendénsia atu apoia uzu serka sanitária ne'e.

Apoiu adisionál governu nian

Iha kada ronda levantamentu nian husu ona ba respondente sira saida mak governu bele halo atu tulun liu tan nia sidadaun sira. iha Maiu 2021, hapara serka sanitária (47%) mak sujestaun komún liu, tuir fali mak hapara estadu emerjénsia (44%) no hapara konfinamentu obrigatóriu/lockdown (33%). Hirak ne'ebé hela fora husi Dili iha liu tendénsia atu sente katak governu tenki hapara serka sanitária (55%, kompara ho 26%) no hapara konfinamentu obrigatóriu (40%, kompara ho 10%), hafoin hirak hela iha Dili iha liu tendénsia atu relata katak governu tenki fornese liu tan informasaun kona-ba oinsá atu asesá ba governu nia programa apoiu nian (56%, kompara ho 21%). Respondente joven liu ho otas 17-24 mós iha tendénsia boot liu atu konsidera governu tenki hapara serka sanitária (60%), liuliu kompara ho hirak ho otas 45 ka liu (35%).

Fornesimentu informaasun kona-ba oinsá atu asesá ba governu nia apoiu (30%) no prevensaun COVID (26%) mós sai sujestaun komún, maski ba estensaun menus liu uitoan duké iha Feverieru 2021 (36% no 31%, tutuir malu).

Durante tempu ida ne'e, saida mak governu halo liu tan atu tulun ninia sidadaun sira? (Permite resposta oioin)




Seguransa no Protesaun

Respondente sira laduun pozitivu kona-ba situasaun seguransa no protesauñ iha sira nia comunidade lokál iha Maiu 2021 duké antes iha ronda levantamentu sira antes nian. Maioria (69%) respondente sira sente katak seguransa no protesauñ hanesan de'it dezde hahú COVID iha Marsu tinan uluk. Proporsauñ hanesan mós sente katak seguransa no protesauñ mellora ona (16%) no sai aat liu fali (15%) dezde Marsu 2020 – valór pozitivu líkidu +1%.


Iha Maiu 2021, respondente sira ne'ebé hela iha Dili iha persepsauñ pozitivu liu ba seguransa no protesauñ iha sira nia komuniade (+22%, kompara ho -7% fora husi Dili). Persepsauñ katak seguransa no protesauñ mellora ona ne'e forte liu ba respondente joven liu sira no fetu sira iha Feveireiru duké iha Maiu; maibé atu hanesan ba grupu otas no jéneru hotu-hotu iha Maiu 2021.⁷

Oinsa mak ita-boot deskreve situasaun protesauñ no seguransa iha ita-boot nia comunidade lokál kompara ho molok EE primeiru no inisiu COVID iha fulan Marsu tinan uluk?



COVID-19 (91%) nafatin sai persepsauñ komún ba **ameasa ba seguransa iha respondente sira nia área lokál**, no ba estensaun boot liu duké iha Feveireiru 2021 (77%) no Dezembru 2020 (70%). Nune'e mós, persepsauñ ameasa husi Grupu Artes Marsiais tun (4%, tun husi 11% iha Feveireiru 2021). La hanesan ho Feveireiru 2021, proporsauñ atu hanesan ne'e ba sira ne'ebé hela iha Dili (95%) no fora husi Dili (90%) persebe COVID-19 mak ameasa boot liu. Maibé, respondente joven liu sira ho otas 17-24 (98%) iha liu tendénsia atu relata katak COVID-19 mak ameasa boot liu, enkuantu respondente boot liu ho otas 45 ka liu (86%) mak iha tendénsia menus liu.

Dezde Marsu, saida mak sai ona ameasa boot liu ba seguransa iha ita-boot nia área?




⁷ 57% ba ema tinan 17-24 ho komparasaun 36% ema tinan liu 45 iha Feveireiru no 49% ba fetu kompara ho mane 42% iha Feveireiru.

Maioria (63%) husi respondente sira sente iha pelumenus **kauza** ida **husi konflitu iha sira nia área** (Ia troka husi Feveireiru 2021 no Dezembru 2020).

Persepsaun kauza komún sira ba konflitu sira mak abandonu (15%, sa'e husi 3% iha Feveireiru 2021), na'ok ema nia rikusoin (11%, sa'e husi 1% iha Feveireiru 2020 maibé aliña ho 15% iha Dezembru 2020) no asaltu fíziku rezulta kanek (9%, tun husi 21% iha Feveireiru 2020 no 29% iha Dezembru 2020).

Saida mak sai kauza komún liu husi konflitu iha ita-boot nia área?



Governasaun no partisipasaun

Persepsaun enjerál kona-ba GoTL ne'e pozitivu, maibé menus pozitivu uitoan iha kada ronda levantamentu nian dezde Dezembru 2020. Pursentu nennulu resin ida sente governu hala'o servisu di'ak 'lóos' ka 'maizoumenus' hodi hala'o nia responsabilidade sira iha Maiu 2021, aliña ho 63% iha Feveireiru 2021 maibé tun husi 75% iha Dezembru 2020. Pursentu sanulu resin ida mós sente governu hala'o servisu 'laduun' di'ak ka aat 'lóos'.


Kuaze respondente hotu-hotu (91%) konkorda katak Parlamentu Nasionál representa povu, maibé ida ne'e ki'ik liu uitoan duké 96% iha Feveireiru 2021 no Dezembru 2020.

Hanesan iha ronda levantamentu sira antes, persepsaun kona-ba maneira governu hala'o nia responsabilidade sira ne'e pozitivu liu ba sira ne'ebé hela iha Dili (73%), kompara ho hirak ne'ebé hela fora husi Dili (56%).


So haleu metade (51%) husi respondente sira mak kontente 'loos' ka 'maizoumenus' ho nivel atuál husi governu nia konsultasaun ho sidaddaun sira, tun liu fali 67% iha Feveireiru 2021 no 76% iha Dezembru 2020.

Persepsaun sira kona-ba nivel atuál husi konsultasaun ne'e pozitivu menus liu ba respondente joven liu ho otas 17-24 (43%) no aas liu ba hirak ne'ebé ho otas 25-34 (61%).

Enjerál oinsá ita-boot sente kona-ba maneira Governu Timor-Leste hala'o nia responsabilidade sira?



Saida mak ita-boot atu dehan kona-ba nivel atuál husi governu nia konsultasaun ho sidadaun sira atu responde ba problema importante sira ne'ebé nasaun hasoru daudaun?




Knaar umakain nian

Satisfasaun ho maneira servisu umakain nian ne'e fahe entre sira ho sira nia kaben ne'e aas tebtebes (95%) no aliña ho Fevereiru 2021. Enkuantu la satisfeitu ne'e aas liu utoan duké Fevereiru (5%, sa'e utoan husi 2%), figura ida ne'e ki'ik liu duké iha ronda levantamentu hotu-hotu antes.

Nu'udar observa ona iha ronda levantamentu sira antes, satisfasaun ho divizaun servisu entre individu sira ho sira nia kaben ne'e hanesan entre mane no feto sira (95%), maski distribuisaun balu ba mane no feto nia servisu iha umakain nia kaar sira.

Satisfeitu oinsá Ita-boot ho maneira fahe servisu uma laran nian iha ita-boot nia umakain?




Husu ba respondente sira kona-ba distribuisaun servisu umakain nian entre sira rasik, sira nia kaben, ka ema seluk (hanesan familia ida, labarik ka ema ne'ebé hela hamutuk). Hanesan ho ronda levantamentu sira antes, mane sira iha tendénisa atu atribui servisu barak liu ba sira nia kaben duké ba sira nia an rasik (iha valór média, ba servisu umalanan tomak, mane atribui 37% husi servisu sir aba sira nia parseiru, no 13% ba sira nia an rasik) no feto sira atribui servisu barak liu ba sira nia an rasik (atribui 22% ba sira nia kaben, 39% ba sira nia an rasik). Maibé, iha Maiu 2021 feto sira iha liu tendénsia atu atribui servisu ba sira nia kaben (22%, sa'e husi 10-18% iha ronda sira antes) no atu mane ka feto iha menus tendénsia atu dehan katak servisu ne'e fahe hanesan (11-15%, kompara ho 18-30%).


Persepsaun distribuisaun servisu (média ba kaar hotu-hotu)

Knaar hotu-hotu, esepu ba finansa umakain nian (barak liu hala'o husi mane iha 37% husi umakain sira, barak liu husi feto iha 23%), ne'e hala'o barak liu husi feto sira.

Hanesan ho ronda sira antes, kaar umakain envolve haree oan sira mak entre tendénsia boot liu atu fahe hanesan; maibé sei nafatin iha liu tendénsia atu sai responsabilidade primária ba feto sira.




Distribuisaun knaar (persepsaun husi jéneru rasik)



Impaktu sosiál no ekonómiku sira

Persepsaun kona-ba impaktu pesoál husi COVID-19 [Saldo líkidu: impaktu pozitivu *minus* impaktu negativu]

Husu respondente sira atu identifika oinsá COVID-19 fo ona impaktu ba sira pesoalmente iha aspetu oioin husi sira nia moris—se sira hetan ona impaktu ne'e pozitivamente, negativamente, ka la afetadu buat ida. Rezultadu valór *balansu/saldo líkidu* ne'e (sentimentu pozitivu *minus* sentimentu negativu) hatudu ba aspetu barak liu iha Maiu 2021, respondente sira haree impaktu husi COVID-19 ba sira nia moris hanesan maizoumenus *negative liu* duké pozitivu. Ida ne'e kontraste ho padraun ne'ebé observa ona iha ronda levantamentu sira antes, ne'ebé respondente sira tenta atu relata jeralmente hetan impaktu *pozitivu* liu husi COVID-19 (eseptu ba rendimentu uma kain no servisu)




Entre 35-53% husi respondente sira dehan sira hetan impaktu negativu husi COVID-19 iha kada aspetu, enkuantu entre 24-40% sente kada aspetu iha impaktu pozitivu.

Valór líkidu ba aspetu hotu-hotu mak ki'ik liu ne'ebé mak dokumenta ona iha ronda levantamentu antes hotu-hotu, eseptu ba rendimentu umakain nian. So impaktu pozitivu líkidu mak ba respondente sira nia sensu tulun malu nian (5%), ne'ebé ki'ik liu duké iha ronda sira antes. Impaktu ba servisu (-29%) no rendimentu umakain nian (-21%) iha valór líkidu ki'ik liu hotu, ki'ik liu fali iha Fevereiru 2021 no Dezemburu 2020, maibé besik liu atu aliña ho Setembru 2020.

Haleu treskuartu (74%) husi respondente sira indika sira tenki hamenus ka la han tempu balu pelumenus dala ida iha fulan kotuk tamba la iha osan. Proporsaun ida ne'e aumenta ona ba kada ronda levantamentu dezde Setembru (53%); maibe' atu hanesan ho proporsaun ne'ebé observa ona iha Maiu 2020 (76%).

Proporsaun hanesan (75%) dehan katak ema seluk iha umakain laran mós hamenus han ka la han tempu ida iha momentu ne'ebé tamba la iha osan, sa'e husi 62% iha Feveireiru 2021.

Iha loron 30 liu ba, tenki hamenus han ka la han tempu balu tamba la iha osan natón ba hahán?




Notisia no informasaun


Hanesan iha ronda sira antes, televizaun mak kanál média no entertainimentu ne'ebé haree dalabarak liu (90% uza ida ne'e pelumenus uitoan/dala balu kada semana, nivel aas liu dezde hahú levantamentu iha Maiu 2020). Kompara ho Feveireiru 2021, respondente sira iha menus tendénsia atu uza média sosiál no internet (63%, tun husi 74%), rona rádio (44%, menus husi 55%) no lee jornál (29%, menus husi 40%). Nivel utilizaun ne'e atu hanesan ho Dezemburu 2020.

Sira ne'ebé hela iha Dili relata utilizaun boot liu ba kanál hotu-hotu kompara ho hirak ne'ebé la hela iha Dili.

Utilizaun média sosiál ne'e aas liu mak ba respondente joven liu otas 17-24 (81% 'loroloron' ka 'dala balu kada semana') no tun tuir otas. Maibe', respondente joven liu ho otas 17-24 iha menus tendénsia atu uza kanál seluk hotu-hotu kompara ho grupu otas boot liu.



Website ka apps topu 5 ne'ebé uza barak liu



In their household...

- 83%** Iha telemovel rasik
- 90%** Asesu ba internet uza telemovel
- 77%** Dala barak uza websites ka apps

Pursentu walunulu resin tolu husi respondente sira iha sira nia telemovel rasik, hanesan ho ronda sira antes (79-82%). Hanesan iha Feveiru 2021, respondente joven liu ho tinan 17-24 (78%) iha menus tendénsia atu iha telemovel rasik kompara ho grupu otas boot liu (84-87%). Feto (78%) mós iha menus tendénsia atu iha telemovel rasik duké mane (88%).

Pursentu sianulu relata katak sira ka ema ruma iha sira nia umakain asesu ba internet ka média sosiál ho sira nia telemovel.⁸ Figura ida ne'e aumenta iha kada ronda levantamentu nian dezede 76% iha Jullu 2020. Rezidente Dili (96%, kompara ho 87% husi hirak ne'ebé hela fora husi Dili) iha liu tendénsia atu asesu ba internet via sira nia telemovel.

Pursentu hitunulu resin hitu husi respondente sira indika uza dalabarak apps ka website balu (ho sira nia telemovel, ema ruma nia telemovel, ka ho meiu sira seluk), aliña ho ronda sira antes. Hanesan iha Feveiru 2021, hirak ne'ebé hela iha Dili (90%) no ho otas 17-24 (90%) mak iha liu tendénsia atu uza regularmente website ka apps.


Utilizasaun kada website/ app atu hanesan ho ronda sira antes, ho Facebook (75%) nafatin to'o agora uza barak liu, tuir fali WhatsApp (34%) YouTube (27%).

COVID-19 nafatin sai tópiku notisia ne'ebé ema akompaña besik liu iha Maiu 2021. Respondente sira iha liu tendénsia uitoan atu akompaña COVID-19 pelumenus besik duké iha ronda levantamentu sira antes (69%, sa'e ba 56-66%). Konversamente, proporsaun ki'ik liu husi respondente sira mak relata katak sira akompaña tópiku seluk pelumenus besik.


Nu'udar observa ona iha ronda sira antes, respondente sira ne'ebé hela iha Dili iha liu tendénsia atu akompanna kada tópiku besik liu duké hirak ne'ebé moris fora husi Dili. Enjerál, envolvimentu ho kada tópiku mós tun tuir otas.

⁸ Tamba levantamentu ne'e hala'o liuhusi telefone, respondente hotuhotu iha ona asesu ba telefone ida. Nu'udar komparasaun ida, iha Levantamentu Tatoli 2018, 76% husi respondente sira fo número telefone no so 33% husi respondente sira mak deha sira iha asesu ba internet.

Besik oinsá ita-boot akompañá tópiku tuir mai ne'e?



Fonte informasaun ne'ebé fiar liu ba COVID/notisia jerál sira?



Televizaun to'o agora sai nafatin fonte informasaun ne'ebé fiar liu (90%, aliña ho 89% iha Fevereiru 2021).⁹ Nu'udar observa ona iha ronda sira antes, rezidente Dili iha liu tendénsia atu relata katak televizaun mak sira nia fonte ne'ebé fiar liu (97%, kompara ho 88% husi hirak ne'ebé hela fora husi Dili).

Respondente joven liu otas 17-24 mak iha tendénsia liu uitoan atu relata katak televizaun mak fonte ne'ebé fiar liu (94%) kompara ho grupu otas boot liu (86-90%).



⁹ Favór nota katak iha Ronda 4 pergunta ida ne'e husu kona-ba fonte notisi no informasaun enjerál. Iha ronda sira antes, husu pergunta ida ne'e relaciona ho COVID-19 no informasaun notisia sira seluk separadamente.

Wainhira husu kanál televizaun ida ne'ebé mak respondente sira haree, RTTL (85%) GMN (84%) mak to'ó agora sai kanál ne'ebé ema haree komún liu. Proporsaun husi respondente sira ne'ebé haree GMN barak liu mak aas liu duké iha Feveiru 2021 (68%) no Dezembru 2020 (63%). Respondente sira hela fora husi Dili mak iha liu tendénsia atu haree RTTL (90%, kompara ho 71% husi hirak ne'ebé hela iha Dili) iha Maiu 2021. Respondente joven liu otas 17-24 (90%) mak iha liu tendénsia atu haree GMN duké grupu otas boot liu, liuliu hirak ho otas 45 ka liu (78%).


Husu mós ba respondente sira rádio saida mak sira rona. Rádio Komunitade (43%) no Rádio Maubere (43%) mak estasaun populár liu, sa'e husi Feveiru 2021. RTTL mak estasaun terseira populár liu (34%), menus duké iha ronda levantamentu sira antes (43-61%).

Kanál televizaun ida ne'ebé mak ita-boot haree dala barak liu?

Rádio ne'ebé mak rona dala barak liu?



Dezafiu boot liu 5 atu asesu ba informasaun



Enkuantu respondente barak liu iha Maiu 2021 mak relata pelumenus dezafiu ida atu asesu ba informasaun (77%), figura ida ne'e tun ona iha kada ronda dezde 88% Dezembru 2020.

Fundu ka osan limitadu atu selu ba ligasaun nafatin sai dezafiu komún liu (44%), tuir fali mak tempu limitadu ba média no informasaun (10%).

Fundu limitadu ne'e relata komún liu nu'udar dezafiu ida husi sira ne'ebé hela iha Dili (56%) duké hirak ne'ebé hela fora husi Dili (35%).


Pergunta sira kona-ba vasinasaun

Nota: Resposta *la hatente* no *la koho* ne'e inklui iha medida baze ba kada pergunta iha seksaun ida ne'e.


Respondente barak liu mak hatene katak vasina kontra COVID-19 agora iha ona (89%) no katak vasina COVID-19 ida aprova ona atu uza iha Timor-Leste (90%). Maibé, respondente sira iha menus tendénsia atu hatene kona-ba vasina ida sei disponivel ba sira idaidak (72%).

Hatene kona-ba vasina ne'e rasik hanesan ba grupu demográfiku hotu-hotu, maibé hatene kona-ba bainhira nia sei disponivel ba sira idaidak ne'e aas liu ba sira ne'ebé hela iha Dili (78%, kompara ho 70% hirak fora husi).

Ita-boot hatene:



Iha ne'ebé mak ita-boot rona kona-ba vasina COVID-19 ne'e?




Sira ne'ebé rona kona-ba vasina ne'e mak iha tendénsia boot liu atu rona ona liuhusi TV ka rádio (57%, aliña ho 58% iha Fevereiru 2021), governu nia website ida (18%, alinna ho 14%) ka média sosiál (12%, sa'e uitoan husi 7%).

Otas tinan 17-24 mak menus liu tendénsia atu dehan sira rona ona vasina liuhusi TV ka rádio (45%, kompara ho 57-57% grupu otas boot liu). Maibé, sira iha liu tendénsia atu rona ona husi média sosiál (21%, kompara ho 3-13%).

Hanesan iha Fevereiru 2021, respondente sira iha Dili iha menus tendénsia atu rona ona kona-ba vasina iha TV ka rádio (48%) no iha liu tendénsia atu rona ona kona-ba

ne'e iha governu nia website ida (37%) kompara ho hirak fora husi Dili.

Ida ne'ebé husi hirak iha kraik ne'e mak deskreve oinsá ita-boot sente kona-ba simu vasina COVID?




Pursentu hatnulu resin tolu husi respondente sira indika sira sei halo esforsu atu hetan vasina sedu liu tan. 9% de'it mak relata sira la hanoin atu simu vasina.

Hirak ho otas 45 ka liu (47%) mak iha liu tendénsia uitoan atu halo esforsu atu simu vasina sedu liu tan, enkuantu hirak ho otas 35-44 iha tendénsia menus liu (37%).


Wainhira husu kona-ba persepsaun kona-ba seguransa husi vasina ne'e, menus husi metade husi respondente sira hein katak vasina ne'e sei seguru atu simu (37% 'barak lóos' ka 'maizoumenus barak') no sei prova katak seguru ba tempu naruk (41%).

Husi saida mak ita-boot haree no rona ona iha momentu ne'e, oinsá ita-boot hein husi vasina ne'e...



Metade (52%) husi respondente sira aprova Timor-Leste nia planu vasinasaun iha 72% iha Feveireiru. Mane (57%) no hirak ne'ebé hela fora husi Dili (54%) mak iha liu tendénsia atu aprova planu, maibé ida ne'e tamba proporsaun boot liu husi sira nia kontraparte sira ne'ebé fo resposa netrál duké resposta la aprova.

Husi saida mak ita-boot haree, lee, ka rona ona, maka'as oinsá ita-boot aprova ka la aprova Timor-Leste nia planu vasinasaun?



Nota: Iha Feveireiru 2021 pergunta ida ne'e husu de'it ba sira ne'ebé hatene kona-ba vasina, maibé husu mós respondente hotu-hotu iha Maiu 2021

Impaktu husi bee-sa'e no siklon

Maioria (60%) husi respondente indika uma ne'ebé sira baibain hela la afetadu husi siklon no/ka bee-sa'e, enkuantu kuaze unkuartu (27%) indika katak sira nia uma mak afetadu 'uitoan'. 9% relata katak sira nia uma aetadu 'barak' ka estragadu. Hirak ne'ebé hela fora husi Dili mak iha tendénsia menus liu atu afetadu liu (66% 'lae liu', kompara ho 42% hirak hela iha Dili).

Kuaze hotu-hotu (96%) husi respondente sira mak sei moris iha sira nia uma rasik, enkuantu 3% hela ho membru família nia uma.

Pursentu sanulu resin nen indika iha ema aumenta liu mak hela iha sira nia uma dezde siklon no bee-sa'e, no iha kazu maioria (95%) ema hirak hela tan ne'e sei hela iha sira nia uma.


Uma ne'ebé Ita-boot hela ba afetadu husi Siklon no/ka bee-sa'e?



Maioria (58%) husi respondente sira relata sira nia abilidade atu buka moris agrikultura mak afetadu 'lae liu' husi siklon no bee-sa'e, enkuantu kuaze untersu (32%) relata afetadu 'maizoumenus'. Pursentu sanulu afetadu 'barak' ka la bele hala'o atividade buka moris ho agrikultura iha momentu ne'e.

Hirak ne'ebé fora husi Dili iha tendénsia menus liu atu afetadu (64% 'lae liu', kompara ho 38% husi hirak ne'ebé hela iha Dili). Respondente joven liu ho otas 17-24 mós iha tendénsia menus atu afetadu (72% 'lae liu', kompara ho 50-54% husi grupu otas boot liu).


Rendimentu husi Ita-boot nia atividade buka-moris ne'e afetadu husi siklon no bee-sa'e?



Husu ba respondente sira se sira baibain sosa ka kuda mak barak liu ba ai-han umakain nian. Maioria husi respondente sira sosa mak barak liu ba sira nia ai-han umakain nian (58%), enkuantu pursentu hatnulu kuda/haki'ak mak barak liu ba ai-han.

Ba hirak ne'ebé baibain kuda/haki'ak ai-han mak barak liu, kuaze metade (54%) relata katak sira nia produ tu agrikula la afetadu liu husi siklon no bee-sa'e. Pursentu sanulu resin hitu relata sira nia produ tu afetadu 'barak' ka estragadu hotu kedas. Hirak hela fora husi Dili iha tendénsia menus liu atu relata katak sira nia produ tu natar/to'os afetadu ona (56%, kompara ho 29%).

Oinsá ho ita-boot nia produ tu natar/to'os ne'e afetadu husi siklon no bee-sa'e?




Ita-boot simu ona asisténsia ruma direktamente nu'udar rezultadu husi Siklon no bee-sa'e?

Pursentu hatnulu husi hirak ne'ebé afetadu husi siklon ka bee-sa'e simu ona forma asisténsia balu. Maioria baibain respondente hirak ne'e simu asisténsia husi governu (18%) ka ONGs (8%).

Hirak ne'ebé hela iha Dili mak iha liu tendénsia atu simu asisténsia (55%, kompara ho 36% husi hirak ne'ebé fora husi Dili), liuliu governu nia asisténsia (32%, kompara ho 13%) no husi Igreja (13%, kompara ho 0%).

Respondente joven liu otas 17-24 mós iha liu tendénsia atu simu ona asisténsia (57%). Tendénsia husi simu asisténsia tun tuir otas, ba 32% ba hirak ho otas tinan 45 ka liu.

Oinsá satisfeitu Ita-boot ho resposta/reasaun husi governu ba siklon no bee-sa'e?




Maioria husi respondente sira (71%) satisfeitu ho governu nia resposta/reasaun ba siklon no bee-sa'e. Satisfasaun ne'e aas liu ba hirak ne'ebé hela iha Dili (81%, kompara ho 67%) no hirak ho otas 25-34 (76%, kompara ho 67-72%).

Apoi rendimentu husi família/kolega sira iha tasi balun / rai li'ur

Dezde hahú Estadu Emerjénsia iha Marsu 2020, 20% husi respondente sira simu ona osan husi família ka kolega ruma iha tasi balun. Sira ne'ebé hela iha Dili (33%, kompara ho 15% husi hirak fora husi Dili), respondente joven liu ho otas 17-24 (25%, kompara ho 15-22% husi grupu otas boot liu) no feto (25%, kompara ho 14% husi mane sira) mak iha iha liu tendénsia atu simu ona osan.

Maioria (93%) husi hirak ne'ebé simu ona osan simu ona menus husi \$USD1,000.

Ita-boot uza ona osan ne'e ba saida?




Osan simu husi kolega sira ka família iha tasi balun baibain uza barak liu ba ai-han no nesidade/despeza bázika moris nian (87%), harii ka hadi'a uma (40%) ka ba edukasaun (30%).


Perfil respondente

Perfil husi respondente sira iha kraik ne'e bazeia ba dadus ne'ebé **la tetu** (kontajen matak husi respondente sira, no la ajusta atu refleto Timor-Leste nia populasaun).


Munisípiu





Jéneru




Otas




Númeru ema iha Ita-boot nia umakain




Ita-boot nia umakain simu pagamentu ruma husi governu?¹⁰




Iha loron baibain, oras hira mak Ita-boot la'atu kuru bee?



Oras servisu (se empregadu) dezde inísiu Estadu Emerjénsia



(Se redúz ona oras) Ita-boot nia patraun ...



¹⁰ Favór nota katak Apoiu Monetariu ba COVID-19 / \$100 kada umakain la inklui nu'udar opsaun resposta ba pergunta ida ne'e iha Feveiru 2021, tamba ne'e dadas komparavel ne'e la disponivel

Metodolojia

Oinsá dezenvole kestionáriu ne'e?

Fundasaun Ázia lidera dezenvolvimentu kestionáriu, ho ORIMA Research mak fornese asesoria apropiada. Pergunta sira ne'ebé dezeńha husi peskija antes ne'ebé Fundasaun Ázia hala'o ona, no mós ORIMA Research nia levantamentu *COVID-19 Recovery Tracker*, entre hirak ne'e mak levantamentu internasionál COVID-19. Levantamentu Feveireiru ne'e inklui seksaun foun sira kona-ba vasinasaun COVID-19 no mós pergunta komún barak husi ronda sira antes levantamentu ne'e. Fundasaun Ázia supervizona programasaun no tradusaun ba kestionáriu hirak ne'e ba iha *Open Data Kit (ODK)*, plataforma software levantamentu fonte-aberta ida.

Oinsá mak dezenvolve kuadru amostra no oinsá ho ninia efetividade?

Kuadru amostra ba levantamentu ida ne'e dezeńha husi levantamentu pasadu Tatoli no levantamentu Polisiamentu

Komunitáriu ne'ebé Fundasaun Ázia hala'o oin ho oin. Halo limpeza ba amostra sira envolve hasai númeru sira ne'ebé mamuk /invalidu / duplikadu (n=6,344).

Wainhira telefone

númeru ida no se ema seluk mak responde, ema ida ne'e bele mós tuir levantamentu ne'e. enkuantu pasu balu halo atu levantamentu ida ne'e representativa liu tan, amostra husi projetu ne'e klasifikadu tuir naun-probabilidade.

	Proposta mínimu	Mai 20	Jul 20	Set 20	Dez 20	Fev 21	Mai 21
Mane iha Dili	38	70	78	80	73	72	78
Feto iha Dili	38	57	50	48	52	56	50
Mane la'os-Dili	150	179	174	172	181	189	182
Feto la'os- -Dili	150	117	102	107	96	112	94

Oinsa hala'o entrevista telefónica sira?

Atu hala'o servisu kampu, Fundasaun Ázia halo parseiru ho ONG baze iha Dili ho naran Institutu Mata Dalan (MDI). Maioria entrevistadór sira servisu ona iha projetu sira ho Fundasaun Ázia, no barak mak agora servisu hela iha ronda oioin husi levantamentu ida ne'e. Staf husi Fundasaun Ázia halo kontaktu fali ba propózitu validasaun, la iha problema boot ruma. Monitorizasaun mós hala'o husi staf Fundasaun Ázia.

	Mai 20	Jul 20	Set 20	Dez 20	Fev 21	Mai 21
Lista amostra	2,307	1,192	534	681	442	414
La kohi	30	47	66	87	2	4
Númeru sira ne'ebé la funisona	1,666	619	60	188	11	6
Dadus fiksiu finál	423	404	407	402	429	404
Tasa resposta ¹¹	19.9%	32.6%	76.2%	59.0%	97.1%	97.6%
Hahú Servisu kampu	19 May 20	18 July 20	21 Sept 20	3 Dec 20	20 Feb 21	1 Mai 21
Remata servisu kampu	25 May 20	17 July 20	2 Oct 20	8 Dec 20	2 Mar 21	8 Mai 21
Kumprimentu mediana husi entrevista ¹²	47m25s	41m30s	43m23s	47m57s	42m12s	57m21s
Númeru entrevistadór	14	19	11	17	13	12

¹¹ Tasa resposta ne'e konta husi númeru kompletu finál levantamentu nian ne'ebé mai husi kuadru amostra fahe tuir númeru telephone sira ne'ebé uza husi kuadru amostra ne'e.

¹² Eisklui kazu 25/29/28/26 ne'ebé naruk oras 4, dalabarak tamba la hanehan butaun finál 'entrega' nian.

Kuaze levantamentu hotu-hotu halo iha Tetum, ho balu mak hala'o iha with Fataluku, Bahasa Indonesia ka Baikenu. Respondente sira simu pulsa \$2 atu partisipa iha peskija ne'e.

Pasu sira halo ona atu aseguira dadus ne'e reprezentativa ba Timor-Leste nia populasaun?

Peskija ne'e dezenia atu bele reprezentativa liu tan ba adultu (17+) husi populasaun Timor-Leste nian nu'udar define ona husi Resenseamentu 2015. Konsiderasaun sira iha amostra inklui nesesidade atu posibilita komparasaun sira entre Dili ho munisipiu sira seluk, no mos sai praktika iha tempu ne'ebé relativamente badak no amostra limitadu.

Kuota minima sira (haree iha leten) estabesele atu aseguira jeneru apropiadu no kobertura jeografika. Kuota ida, relaciona ho fetu sira fora husi Dili, mak nunca atinji. Alein ne'e, individu municipal sira fora husi Dili iha kuota minima ne'ebé proporsiona ba sira nia populasaun. Kuota minima pesiza ba kada munisipiu mak 10. Munisipiu sira ho populasaun aas liu (hanesan Baucau no Ermera) iha kuota minima 25.

Iha kada ronda, amostra ne'e tetu ba markasaun populasaun nian ne'ebé define iha resenseamentu 2015. Ida ne'e atu korrije resposta bias husi fetu no mane no otas klaran sira, no mos uitoan Dili amostra-resin. Tetu ho Metodu Iterativu Arbitraria (*Random Iterative Method* (RIM)) uza pakote anesrake iha studiu R hili nu'udar metodu tetu apropiadu liu ho

	Populasaun (N=662,285)	Mai 20 UW (n=423)	Jul 20 UW (n=404)	Set 20 UW (n=407)	Dez 20 UW (n=402)	Fev 21 UW (n=429)	Mai 21 UW (n=404)
Otas							
17-24	28%	14%	15%	11%	14%	8%	12%
25-44	41%	53%	58%	61%	53%	57%	50%
45-120	31%	33%	27%	28%	33%	35%	38%
Jeneru							
Mane	50%	59%	62%	62%	63%	61%	64%
Fetu	50%	41%	38%	38%	37%	39%	36%
Fatin							
Dili	26%	30%	32%	31%	31%	30%	31%
La'os Dili	74%	70%	68%	69%	69%	70%	69%

konsiderasaun ba komparabilidade futuru nian, simplisidade no reprezentasaun populasaun nian. Variavel sira ne'ebé uza atu tetu, proporsaan sira iha populasaun no proporsaan sira ne'ebé la tetu ne'ebé hatudu ba loos.

Pasu prosesamentu dadus saida mak halo ona?

Wainhira ORIMA simu ona dadus, pasu prosesamentu dadus tuir mai mak hala'o:

- Haree duplikadu no pasa revista lalais.
- Resposta ba pergunta sira iha Tetum tradúz husi Fundasaun Ázia.
- Resposta "La hatene" iha pergunta oioin halo eiskluzivu.
- Tau kódigu iha kotuk hala'o se apropiadu.
- Pasa revista ba label variavel no label valór sira no modifika ba propozitu relatóriu nian.
- Tetu halo hanesan iha leten.

Resposta sira indika tipu ida husi naun-resposta (hanesan "La hatene", "La aplikavel" no "La koho") hasai ona husi baze relatóriu ida ne'e, eiseptu nia indika kontraria.

Oinsa hau bele konfia iha rezultadu sira ne'e?

	Mai 20	Jul 20	Set 20	Dez 20	Fev 21	Mai 21
Númeru resposta sira	423	404	407	402	429	404
Marjen estatistika husi erru	±4.8%	±4.9%	±4.9%	±4.9%	±4.8%	±4.9%

Marjen estatistika husi erru

ne'e konta uza proporsaan persentajen 50% iha nivel konfidensiál 95%. Enkuantu marjen erru la teknicamente aplika ba amostra naun-probabilidade sira, ida ne'e bele uza nafatin hanesan matadalan jerál ida wainhira determina se rezultadu sira ne'e atualmente diferente ka diferente de'it pur akazu. Fatór sira seluk, hanesan metodu amostra, bias la-responde no erru sukat mos tenki konsidera wainhira interpreta rezultadu sira. Figura sira iha testu ne'ebé ho bandeira tamba diferente entre sub-grupu sira ne'ebé deskobre hanesan signifikante atu pelumenus kategoria ida seluk wainhira uza Welch T-test iha interval konfidensiál 95% ho marjen korresaan Bonferroni no teste hirak ne'e konsidera ida ne'e. Maibé, sira tenki uza de'it matadalan jerál ida. Teste sira la esklaresidu iha ne'ebé la iha diferensa sub-grupu nian. Pur ezemplu, iha diferensa uitoan tuir jeneru. Iha relatóriu ida ne'e, la'os figura hotu-hotu sei adisionál to'o 100% tamba tuir ronda.

Kona-ba Fundasaun Ázia

Fundasaun Ázia ne'e organizasaun dezenvolvimentu internasionál naun lukrativu ho kompromisu atu mellora moris iha Ázia ne'ebé dinámiku no dezenvolve hela. Servisu ho repartisaun ih anasaun 18 no informadu ho péritu lokál kle'an no ho eisperiénsia dékada nen, ami responde ba problema kítiku sira ne'ebé afea Ázia iha sékulu 21 liuhusi: reforsa governasaun, espande oportunidade ekonómika, hasa'e reziliénsia ambientál, hakbiit feto sira, no promove kooperasaun internasionál. Iha Timor-Leste, Fundasaun ne'e oras ne'e daudaun fokus ba reforsa governasaun no polítika, hapara violénsia kontra feto, dezenvolve turizmu inkluzivu, no promove paz no justisa.

Ba informasaun liu tan kona-ba Fundasaun Ázia favor vizita asiafoundation.org, ka kontaktu:

Pauline Tweedie – Representante Nasionál – Dili, Timor-Leste – pauline.tweedie@asiafoundation.org

Enderesu: Avenida Luro Mata, Bairro Metin II, Bebonuk - Dili, Timor-Leste **Tel:** + 670 331-3457

Kona-ba *ORIMA Research*

ORIMA Research mak kompañia peskija sosiál Australiana ne'ebé espesializadu iha governu no seitór naun lukrativu sira. ORIMA servisu barak ho Fundasaun Ázia dezde 2015, inklui iha prosesamentu dados, metodolojia levantamentu no análise no relatóriu.

Ba informasaun liu tan kona-ba ORIMA Research favor vizita ami nia website www.orima.com.au, ka kontaktu:

David Bruce – Partner – Canberra, Australia – david.bruce@orima.com

Relatóriu ida ne'e publika tuir padraun internasionál ISO20252.